

薩婆多宗五事論

大番國大德三藏法師沙門法成於甘州
修多寺道場

法有五種。一者色法。二者心法。三者心所有法。四者心不相應行法。五者無爲法。

○何名色法。謂彼一切從四大種四大所造所生諸色。何謂四大。謂地界水界火界風界。何名造色。謂眼根耳根鼻根舌根身根諸色。諸聲諸香諸味及觸一分兼無表色。○何名心法。謂心意識。彼復云何謂眼識耳鼻舌身意識六識之身。

○何名心所有法。謂與心相應諸法。彼復云何謂受相。思觸作意欲勝解信精進念定慧尋伺放逸不放逸善根不善根無記根諸結繫縛微廣諸隨煩惱纏繞安住知見所有現觀。復有餘法與心相應如是等類。名爲心所有法。○何名心不相應行法。謂有諸法與心不相應。彼復云何謂得無相等至滅盡等至無相所有命。